



Bavariae Sanctae Volvmen ...

Rader, Matthäus

Monachii, M.DC.XXIV.

S. Marinvs Episcopvs Theclanvs & Declanvs Diaconvs, Frvxini.

[urn:nbn:de:hbz:466:1-79699](#)

SS. MARINVS EPISC. ET THECLANVS DIAC.



R. S. Sonnius f. 15

Vtis est in medijs orbi notissima Bojjs,
Nobile pontificis quam celebrauit opus;
Sed magis has olim Grimoaldo principe terras
Corbiniano treus nobilitauit aper.

Bina Caledonijs Deus astra vocauit ab oris
Quae misit genti, sancta Frithinga, tue.
Hinc populi pietas milenos crevit in annos.
NATORVM LEX EST, SCIRIA VITA PATRIS.

K 3

S. MARI,

DE 22. JULY 16. ET TANGENS

MARINUS HERCULANUS AVICENNA

S. MARINVS EPISCOPVS

THE CLANVS SEV DECLANVS

DIACONVS, FRUXINI.

Est Fruxini seu Frisingæ extra opidi pomerium, religio-
sorum virorum domicilium, cui Nouacella nomen,
in quo Marinus pontifex colitur (alijs Maurinus, a-
lijs Martinus) incertum cuius sedis; quem è Scotia
(Hibernia reor) venisse cum Declano diacono, ne-
mo adhuc negavit. Frisingam cultu peregrino venerunt, quod
præcis visitatum, ut ignotis terras ignotas peterent, & populos à
Christi sacrifici alienos ad Philosophiam cælestem erudirent, vel eri-
ditos optimè & sanctissimæ vitæ exemplo ad eandem æmulandam
prouocarent. Venit Marinus cum ipso D. Virgilio Salzburgensi
Episcopo, qui secum septem duxit Episcopos, multosque alios la-
borum socios per omnem postea Boiam, Carinthiam & Stiriam
ad legem Christianam prædicandam missos, ut Thadæus Scoto-
rum Ratisponæ abbas apud Canisium tradit, quamvis socios non
exprimat, nisi Declanum, Lullum, & Altone, qui vetus in Boica
cenobium ab ipso Altone nuncupatū condidit. Declanū Virgilius
Frisingam cum duobus socijs amandat. Lullū ad Illmonasterium
seu Ilmünster destinat. De Matino alias nihil cognoui, nisi quod
simul hodié que Frisingæ medelas corporibus faciant, & supplicem
ad cineres turbam votis damnatam saluāmque & in columnen sape
dimittant. Ego penicillo adumbratam & ad sanctorum mar-
mor appensam tabulam hic ære descriptam tibi spectan-
dam præbeo, in qua & infans est ex mortuis in vitam reuoca-
tus. Coepit sunt nuper in acta referri, quæ inibi identidem mira
mirandaque ab Diuis perpetrantur. Annos sub dubio appo-
sui, quod nullos certos repererim signatos. Calendis
Decembrib. Festa Cerimonia Diuos
coli intellexi.

K 4

S. GAMEL.